

ინფორმაცია ინტერესთა კონფლიქტის შესახებ

ქ. თბილისი

07 დეკემბერი 2016 წელი

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ქვემოთ ჩამოთვლილი თითოეული პირი ხელის მოწერით ადასტურებს, რომ ივანე ჯავახიშვილის სახელობის თბილისის სახელმწიფო უნივერსიტეტის მიერ 2016 წლის 07 დეკემბრის № 1017 /06 ხელშეკრულებით გამარტივებული შესყიდვის საშუალებით სამედიცინო მოწყობილობების შესყიდვის განხორციელებაში მისი მონაწილეობა არ იწვევს ინტერესთა კონფლიქტს შპს „მოწინავე სამედიცინო ტექნოლოგიები და სერვისი“-სთან.

თსუ ადმინისტრაციის ხელმძღვანელი:  
/ნ. ოვსიანიკოვა/

თსუ საფინანსო დეპარტამენტის უფროსი:  
/ი. საღარეიშვილი/

თსუ იურიდიული დეპარტამენტის უფროსი:  
/ა. კუკულავა/

თსუ შესყიდვების განყოფილების უფროსი:  
/ს. სანაძე/

თსუ შესყიდვების განყოფილების სპეციალისტი:  
/თ. ყანჩელაშვილი/

07 დეკემბერი 2016 წელი

**ქ. თბილისი**

ერთის მხრივ, სსიპ ივანე ჯავახიშვილის სახელობის თბილისის სახელმწიფო უნივერსიტეტი წარმოდგენილი მისი ადმინისტრაციის ხელმძღვანელის ნუნუ ოვსიანიკოვას სახით (შემდგომში “შემსყიდველი”), და მეორეს მხრივ, შპს „მოწინავე სამედიცინო ტექნოლოგიები და სერვისი“ წარმოდგენილი მისი დირექტორის გიორგი ნოკოლაიშვილის სახით (შემდგომში “მიმწოდებელი”), დებენ წინამდებარე ხელშეკრულებას შემდეგზე:

**1. ხელშეკრულების საგანი**

1.1. ხელშეკრულების საგანია საქართველოს კანონმდებლობის შესაბამისად, სახელმწიფო შესყიდვების შესახებ საქართველოს კანონის 10<sup>1</sup> მუხლის მე-3 პუნქტის „ი“ ქვეპუნქტის საფუძველზე გამარტივებული შესყიდვის საშუალებით სსიპ ივანე ჯავახიშვილის სახელობის თბილისის სახელმწიფო უნივერსიტეტის ალექსანდრე ნათიშვილის მორფოლოგიის ინსტიტუტის სახელმწიფო ბიუჯეტის დაფინანსებით სამედიცინო საყინულის (სამედიცინო მოწყობილობების CPV 33100000) სახელმწიფო შესყიდვა.

**2. ხელშეკრულების ღირებულება**

2.1. შესყიდვის მოცულობა და ღირებულება:

N	საქონლის დასახელება	რაოდენ.	ერთეულის ფასი (ლარი)	საერთო ღირებულება (ლარი)
1	DW-HW50 სამედიცინო საყინულე -10 -86 გრადუსი, მოცულობა 50 ლ	1 ცალი	7680	7680

2.2. შესყიდვის ობიექტის სრული ღირებულება საქართველოს კანონმდებლობით დადგენილი ყველა გადასახადის გათვალისწინებით შეადგენს: **7680.00** (შვიდიათასექვსასოთხმოცი) ლარს.

**3. ხელშეკრულების კონტროლი**

ხელშეკრულების კონტროლს ახორციელებს:

- 3.1. ივ. ჯავახიშვილის სახელობის თბილისის სახელმწიფო უნივერსიტეტის (თანამშრომელთა) ინსპექტირების ჯგუფი და/ან ინსტიტუტის დირექტორი.
- 3.2. ინსპექტირება განხორციელდება წარმოქმნილი საჭიროებიდან გამომდინარე.
- 3.3. ინსპექტირება გულისხმობს ხელშეკრულების პირობების შესრულების, აგრეთვე მიწოდებული ან მისაწოდებელი შესყიდვის ობიექტის და მასთან დაკავშირებული მომსახურების ხარისხის კონტროლს.
- 3.4. ყველა გამოვლილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით. \* .

**4. ანგარიშსწორების ფორმა, ვადები და პირობები**

- 4.1. შემსყიდველსა და მიმწოდებელს შორის ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში, წინასწარი ანგარიშსწორებით, სახელშეკრულებო ღირებულების 100%-ის იდენტური ოდენობის თანხაზე მიმწოდებლის მიერ წარმოდგენილი საავანსო საბანკო გარანტიის საფუძველზე.
- 4.2. საავანსო გადახდაზე საბანკო გარანტია წარმოდგენილი უნდა იქნას არაუგვიანეს ხელშეკრულების გაფორმებიდან 7(შვიდი) სამუშაო დღის განმავლობაში. გარანტიის მოქმედების ვადა უნდა იყოს არანაკლებ 2017 წლის 30 აპრილის ჩათვლით.
- 4.3. შემსყიდველსა და მიმწოდებელს შორის ანგარიშსწორება განხორციელდება წინამდებარე ხელშეკრულების გაფორმებისა და საავანსო საბანკო გარანტიის წარმოდგენიდან არაუგვიანეს 2016 წლის 20 დეკემბრისა.
- 4.4. მიმწოდებელს საავანსო გარანტია დაუბრუნდება შესყიდვის ობიექტის სრულად მოწოდების, მიღება-ჩაბარების აქტის, ინსპექტირების დადებითი დასკვნისა და ანგარიშ-ფაქტურის და/ან სასაქონლო ზედნადების წარმოდგენიდან 10 (ათი) სამუშაო დღის ვადაში.

**5. შესყიდვის ობიექტის მიღება-ჩაბარების წესი**

- 5.1. შესყიდვის ობიექტის მიღება ფორმდება მიღება-ჩაბარების აქტისა და/ან წარმოდგენილი ანგარიშ-ფაქტურის/სასაქონლო ზედნადების, ინსპექტირების დასკვნის საფუძველზე.
- 5.2. მიღება-ჩაბარების აქტის და/ან საგადასახადო ანგარიშ-ფაქტურის/სასაქონლო ზედნადების, ინსპექტირების დადებითი დასკვნის გამოუწერლობის შემთხვევაში “მიმწოდებელს” შეუჩერდება



ქიხისგან, ხოლო საკითხის 15 (თხუთმეტი) კალენდარული დღის განმავლობაში მოუგვაოილოის  
ქმთხვევაში, მიიღება გადაწყვეტილება მასთან ხელშეკრულების მოქმედების შეწყვეტის შესახებ.

## 6. შესყიდვის ობიექტის მიწოდების ვადა, ადგილი და პირობები

6.1 შესყიდვის ობიექტის მიწოდება უნდა განხორციელდეს ხელშეკრულების გაფორმებიდან 70 (სამოცდაათი) კალენდარული დღის განმავლობაში.

6.2 მიმწოდებელი შესყიდვის ობიექტის მიწოდებას განახორციელებს შემდეგ მისამართზე:

ქ. თბილისი; ჭავჭავაძის გამზ. №1

## 7. შესყიდვის ობიექტის ხარისხი და ვარგისიანობის ვადები.

7.1. შესყიდვის ობიექტის ხარისხი უნდა შეესაბამებოდეს შემსყიდველის მოთხოვნებს, ხარისხობრივ მონაცემებს და პასუხობდეს ამ სფეროში არსებულ სტანდარტებს.

7.2. შესყიდვის ობიექტის საგარანტიო ვადაა: მიწოდებიდან 12თვე.

## 8. ხელშეკრულების პირობების შესრულება

8.1. თუ მიმწოდებელი არ ასრულებს ვალდებულებას ხელშეკრულებით გათვალისწინებულ ვადაში, ეკისრება საურავი ყოველ ვადაგადაცილებულ დღეზე დროულად მიუწოდებელი შესყიდვის ობიექტის ღირებულების 0.1% ოდენობით.

8.2. პირგასამტეხლო არ ათავისუფლებს მიმწოდებელს ვალდებულების შესრულებისაგან. წინააღმდეგ შემთხვევაში შემსყიდველს უფლება აქვს შეწყვიტოს ხელშეკრულება.

8.3. თუ შემსყიდველი არ ასრულებს ხელშეკრულებით გათვალისწინებულ პირობებს, მიმწოდებელს უფლება აქვს გამოიყენოს ხელშეკრულებით და საქართველოს კანონმდებლობით გათვალისწინებული ყველა ზომა და დააკისროს მას საურავი ყოველი ვადაგადაცილებული დღისათვის ხელშეკრულების ღირებულების 0.1 %.

## 9. დაუძლეველი ძალა

9.1. მხარეები თავისუფლდებიან პასუხისმგებლობისაგან დაკისრებულ მოვალეობათა ნაწილობრივ ან სრულად შეუსრულებლობისთვის დაუძლეველი ძალის ზემოქმედებით გამოწვეული გარემოებების შემთხვევაში, ამ გარემოებათა არსებობის განმავლობაში.

9.2. დაუძლეველი ძალა გულისხმობს: ომსა და საბრძოლო მოქმედებებს, სტიქიურ უბედურებებს, ხანძარს, გაფიცვებს, სამოქალაქო არეულობას, საკანონმდებლო ცვლილებებს.

9.3. დაუძლეველი ძალის მოვლენის დადგომის შემთხვევაში მხარემ, რომლისთვისაც შეუძლებელი ხდება ნაკისრი ვალდებულების შესრულება, დაუყოვნებლივ წერილობით მიმართავს მეორე მხარეს ამის შესახებ, თუ დაუძლეველი ძალის მოვლენა გაგრძელდა სამ თვეზე მეტ ხანს, მხარეებმა შეიძლება შეწყვიტონ ხელშეკრულების მოქმედება.

9.4. მხარე არ თავისუფლდება პირობებისაგან, თუ კი ფორს-მაჟორული მოვლენის დადგომა გამოწვეულია მისი ძალით, ან ნაკისრ ვალდებულებათა შესრულება შესაძლებელი იყო ასეთ გარემოებათა დადგომამდე განსაზღვრულ ვადებში.

## 10. მხარეთა უფლება-მოვალეობანი

10.1. შემსყიდველი და მიმწოდებელი იღებენ ურთიერთვალდებულებას „სახელმწიფო შესყიდვების შესახებ“ საქართველოს კანონის სრული დაცვით.

10.2. შემსყიდველს უფლება აქვს:

ა) მოსთხოვოს მიმწოდებელს ხელშეკრულებით გათვალისწინებული პირობების ზუსტი და განუხრელი შესრულება.

ბ) განახორციელოს კონტროლი და ზედამხედველობა ხელშეკრულებით გათვალისწინებული პირობების შესრულებაზე;

გ) მოითხოვოს გამოვლენილი ხარვეზების აღმოფხვრა დამატებითი ანაზღაურების გარეშე;

დ) შეწყვიტოს ხელშეკრულება შესყიდვის ობიექტის ხარისხის და/ან ხელშეკრულების პირობების გაუარესების გამო.

10.3. მიმწოდებელი უფლებამოსილია:

ა) მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებულ ვადებში.

ბ) მოსთხოვოს შემსყიდველს ხელშეკრულებით გათვალისწინებული პირობების ზუსტი და განუხრელი დაცვა.

10.4. მიმწოდებელი ვალდებულია უზრუნველყოს:

ა) შესყიდვის ობიექტის განსაზღვრულ ადგილზე მიწოდება;

ბ) შესყიდვის ობიექტის ხელშეკრულებით გათვალისწინებულ ვადებში მიწოდება.

## 11. ხელშეკრულების შეწყვეტა

11.1. ხელშეკრულება შეიძლება შეწყდეს ერთ-ერთი მხარის ინიციატივით ურთიერთშეთანხმების საფუძველზე.

11.2. წერილობითი შეტყობინება არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან ხელშეკრულების შეწყვეტამდე.

## 12. ხელშეკრულების ძალაში შესვლისა და მოქმედების ვადა

12.1. ხელშეკრულება ძალაში შედის მხარეთა უფლებამოსილი პირების ხელმოწერის შემდეგ და მოქმედებს 2017 წლის 30 მარტის ჩათვლით.



13. დაგები და შათი გადაწყვეტის წესი

13.1. ყველა დავა, რომელიც წარმოიშობა წინამდებარე ხელშეკრულებიდან, უნდა გადაწყდეს ურთიერთმოლაპარაკების გზით.

13.2. თუ მხარეები 10 (ათი) კალენდარული დღის განმავლობაში ვერ მოილაპარაკებენ მხარეს შეუძლია მიმართოს საქართველოს კანონმდებლობით დადგენილ წესს.

14. სხვა პირობები

14.1. მხარეები ხელმძღვანელობენ ურთიერთპატივისცემის პრინციპით და თანამშრომლობის გაღრმავების სურვილით.

14.2. ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას.

14.3. მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

14.4. ხელშეკრულების მხარეებს არა აქვთ უფლება გააკეთონ განცხადება მეორე მხარის მიერ ხელშეკრულების ვერ ან არ შესრულების, მისი შესრულებისას დარღვევების და ა.შ. თუ წინასწარ არ მოხდა შესაბამისი საკითხის ერთობლივი შესწავლა და შესაბამისი ფაქტების დადასტურება.

14.5. კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას.

14.6. ხელშეკრულება და მასთან დაკავშირებული ყველა მიმოწერა სრულდება ქართულ ენაზე.

14.7. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ წერილობითი ფორმით და ორმხრივი ხელმოწერით დადასტურების შემდეგ.

14.8. ხელშეკრულება შედგენილია სამი თანაბარი იურიდიული ძალის მქონე ეგზემპლარად და ინახება მხარეებთან, ერთი "მიმწოდებელთან", ორი - "შემსყიდველთან".

15. მხარეთა რეკვიზიტები:

შემსყიდველი

მიმწოდებელი

სსიპ ივ. ჯავახიშვილის სახელობის თბილისის სახელმწიფო უნივერსიტეტი

შპს „მოწინავე სამედიცინო ტექნოლოგიები და სერვისი“

მისამართი:

ი. ჭავჭავაძის გამზ. №1  
ხაზინის ერთიანი ანგარიში  
სახელმწიფო ხაზინა  
სახელმწიფო ბიუჯეტი  
კოდი № 3205050202

მისამართი:

ქ. თბილისი, ბელიაშვილის № 83  
საბანკო რეკვიზიტები:

სს „საქართველოს ბანკი“  
ანგ. №GE20BG0000000119160100  
ბანკის კოდი BAGAGE22

საიდენტიფიკაციო კოდი  
204864548


საიდენტიფიკაციო კოდი  
202059725

თსუ ადმინისტრაციის ხელმძღვანელი:




/ნ. თვსიანიკოვა/

შპს „მოწინავე სამედიცინო ტექნოლოგიები და სერვისი“ -ს დირექტორი:




/გ. ნიკოლაიშვილი/

თსუ საფინანსო დეპარტამენტის უფროსი:

 ი. საღარეიშვილი

თსუ იურიდიული დეპარტამენტის უფროსი:

 ნ. კუჭუღავა  
